



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Cultu Sacrosancti Cordis Dei Ac Domini Nostri Jesu Christi

Galliffet, Joseph de

Romae, M.DCCXXVI.

Approbatio Reverendi admodum Patris F. Bernardini Membrive Ordinis S.  
Dominici, Prædicatoris Regis Catholici, Qualificat. Inquisit. Generalis  
Hispan. Theologi Regis Magnæ Britanniaë, Provincialis ...

[urn:nbn:de:hbz:466:1-45817](https://nbn-resolving.org/urn:nbn:de:hbz:466:1-45817)

# MICHAEL ANGELUS TAMBURINUS

*Præpositus Generalis Societatis JESU.*

**Q**UUM librum, cui titulus: *De cultu Sacrosancti Cordis Dei ac Domini nostri Jesu Christi a P. Josepho de Galliffet Societatis nostræ Sacerdote conscriptum*, aliquot ejusdem Societatis Theologi recognoverint, & in lucem edi posse probaverint, facultatem facimus ut typis mandetur, si iis ad quos pertinet ita videbitur. Cujus rei gratiâ has litteras manu nostra subscriptas, & sigillo nostro munitas dedimus. Romæ 6. Septembris 1725.

*Michael Angelus Tamburinus.*

---

## A P P R O B A T I O

*Reverendi admodum Patris F. Bernardini Membrive Ordinis S. Dominici, Prædicatoris Regis Catholici, Qualificat. Inquisit. Generalis Hispan. Theologi Regis Magnæ Britannie, Provincialis Scotie, & Consultor Congregationis SS. Rituum.*

**Q**UUM librum, cui titulus *De Cultu Cordis Dei ac Domini Nostri Jesu Christi*, ab admodum R. P. Josepho de Galliffet Societatis Jesu, Gallie Assistente compositum, & vitam ven. Matris Margaritæ Mariæ Alacoque, Ordinis B. Virginis Mariæ a Visitatione, jussu Patris sui spiritualis ab ipsamet exaratam, de commissione Reverendissimi Patris Sac. Palatii Apostolici Magistri, non minori animi mei ædificatione, quam cura viderim; in ejus le-

etione illico mihi in mentem venit prophetia Simeonis, &  
& in veritate comperi, his temporibus evenire Cordi Jesu,  
quod de ipsomet Domino nostro Jesu prophetavit S. Se-  
*Luc. 2.* nex: *Hic positus est in ruinam, & signum cui contradice-*  
*tur: ut revelentur ex multis cordibus cogitationes.* Quis  
credet auditui nostro? In cujus mentem venire potest,  
quod quum Dominus Jesus misisset in cor hujus ven. suæ  
servæ affectum propagandi speciali cultu amorem Cordis  
fui, Christiani ex hoc scandalum sibi sumerent; verentes,  
ne Christus dividatur. Hoc tamen scandalum non diffi-  
*Matth. 15.* mile est alteri, de quo conquesti sunt Discipuli, quando  
Pharisæis scandalum fecit parabola Christi de corde im-  
piorum. Sed sicut Christus floccificavit Pharisæos tunc  
murmurantes, sic & nos relinquamus oblatrantes contra  
cultum Cordis Jesu; cæci enim sunt, & duces cæcorum. Hi  
namque, etsi labiis honorare totum sibi Jesum videan-  
tur, cor autem eorum longe esse a Jesu Corde, hujus ope-  
ris lectio clarissime manifestat; illisque testimonium per-  
*Ad Rom. 9.* hibet, *quod emulationem Dei habent, sed non secundum*  
*scientiam.* Sanctissimam Jesu faciem in Veronicæ linteo  
impressam, omnis terra veneratur, quin ulli usquemodo  
scandalum fecerit hæc solemnitas; nec aut ex ea, aut aliis  
hujuscemodi festivitibus divisus fuerit Christus: sic ne-  
mo incaute signa sua ponere; atque in dulcissimum Cor  
Jesu contradictionis tela vibrare deberet, ne Populus  
Christianus fraudetur tot bonis, quæ omnes, immo et ipsi  
contradictores, ex hujusce Religionis propagatione pos-  
sent haurire. Futurum quippe spero, ut sanguis pretiosissi-  
mus vivifici Cordis Jesu, lineas hujus operis, veluti per  
subtilissimas arterias oppositorum corda demulceat, ac  
omnium animos ad mutuam amorem erga divinum ama-  
torem accendat. Author siquidem hocce in opere bene  
omnia fecit: vindicat superabunde ab objectis cultum  
Cordis Jesu: demonstrat puritatem cordis ven. Margari-  
*In Apolog.* tæ, quæ teste Bernardo, *in duobus consistit, in gloria Dei*  
✠

*Et utilitate proximi.* Quæ duo nullibi melius reperimur, quam in Corde amantissimi Jesu. *Eruat* denique cor Authoris *verbum bonum*, dicat *opera sua Regi*, Summo Sacerdoti Pont. Max. BENEDICTO XIII. cui mirifice consonat sententia Cassiani: *Vis scire de fratre tuo quale cor habeat? Attende, unde libentius & frequentius loquatur; ex abundantia enim cordis os loquitur.* Et quum noster Sanctissimus BENEDICTUS XIII. pro more, Pastoralis officii curis cumulatissime expletis, reliquum tempus, consortia hominum fugiens, libenter infumat in dulci colloquio, cum, aut de Jesu & Mariæ Cordibus, profecto hoc opus jure sibi vendicat. Et si Benedictus XI. Ordinis etiam Prædicatorum frigescente mundo, ad inflammanda corda nostra Jesu amoris igne, S. Patris Francisci stigmata solemnitate duplici celebrari voluit: Quid non faciet noster BENEDICTUS XIII. pro Jesu & Mariæ Cordibus? Quum igitur hoc opus in nullo offendat, immo in omnibus ædificet, & per omnia Fideles accendat in amantissima Jesu & Mariæ Corda, judico typis mandari posse, ac debere. Datum in Conventu S. Mariæ supra Minervam Ordinis Prædicatorum, die 26. Februarii anni 1726.

*In illud Psal.  
Egre diebatur  
foras &  
loquebatur  
in idipsum.*

*In Officio  
Stigm. S. P.  
Francisci.*

F. Bernardinus Membrive,  
Mag. Provincialis Scotiæ, & Consult.  
Sacra Congregationis Rituum.